


B. N. C  
FIRENZE  
1 0 2 3  
13



1023.13

COLLAT: ~~APOLL~~

1023  
13



B



PETRI APOLLONII COLLATINI

Præbiteri Nouariensis

*Heroicum Carmen*

DE DVELLO DAVIDIS, ET GOLIAE,

*Elegia,*

*Et Epigrammata*

Nunc primò in lucem prodeunt

Studio, & cura Lazari Augustini Cottæ

de Ameno Nouarien. Dixit.

*Sub Auspicys*

Ill.<sup>mi</sup>, & Reu.<sup>mi</sup> D.D.

FEDERICI CACCIAE

PATRITII NOVARIENSIS,

I. V. D. COLLEGII MEDIOLANI,

Abbatis Sancti Laurentij ad Putheum &c.

Ac Sac. Romanae Rotæ Auditoris

Integerrimi.



MEDIOLANI Ex Calcographia Ghisulphiana. 1692.  
Superiorum permissu.

C 1





*Exul Apollonius latebris , quibus hactenus hasit,  
Exilit , & patria sistit se luce videndum.*

Ex Vander .. Burch.

**P***ura è Castalidum fonte fluens a his in carminibus ex-  
currere agnovi : quare , ut cuiusq; nitidam Latinam  
Poesim sitienti ex illis bibere liceat , in publicam  
omnium potestatem eadem typographorum labore  
deriuare optimū reor, Med. Nonis Iunij anno 1692.  
Ego D. Hieronymus Meazza Cler. Reg., Sacræ Theol.  
Professor, Cœnobij S. Antonij Mediolani Præpositus,  
pro Sanctissima Inquisitione Censor Librorum.*

---

*Imprimatur*

**Fr. Michael Seraphinus Angelerius Sacr. Theol. Magi-  
ster, Doctor Collegiatus, & Commissarius S. Officij  
Mediolani.**

**Baltholomeus Crassus pro Eminentiss. D. D. Cardinali  
Vicecomite Archiep.**

**Franciscus Arbona pro Excell. Senatu.**

3  
Ill.<sup>mo</sup>, ac Reu.<sup>mo</sup> D. D.

FEDERICO CACCIAE:

*Lazarus Augustinus Costa I. C.*

*S. P. D.*

**R**etri Apollonij Collatini Cattanei conciuisti opusculū de Duello Davidis, & Golizæ mihi nunquam innotuisset, diutiusq; (reor) privati iuris fuisset, nisi primus omnium (quod sciam) Ioannes Mabylon superioribus annis in suo Itinerario Italico inter præclariora literarū monimenta patefecisset, ac nisi Andreas Pusterla Bibliothecæ Ambrosianæ Præfectus, vir emunctæ naris, omnium bonarum artium, ac disciplinarum cultor acerrimus, præscorum nostratum Scriptorum ineditorum diligens investigator, ac mihi plurimum recolendus, insigni quodam mirandæ comitatis lenocinio authographum exscribendum impetrasset ab erudito, & numquam satis laudato viro Antonio Malibeco Medicæ Bibliothecæ Præfecto, ea accepta  
2  
lege,

4  
lege, vt veluti argumentum à nemine Poetarum  
decantatum typis cūsum euulgetur non modo  
pro Nouariensis, sed & Italici nominis dignitate.  
Cupiditatem videndi operis accendebat seuerio-  
rum virorum varijs studijs agitata, & non in glo-  
ria de Collatino censura. Vnicus verò Pusterla  
me Nouariensium Scriptorum collectorem diu-  
tino desiderio fatigatum, Nouariensem iuuentu-  
tem studijs humanioribus deditam, totamue  
fere ( vt opinor ) Remp. literariam valuit conso-  
lari. Insana quadam alacritate hanc poesim per-  
legi, suspexi, exscripsi, & typis impressam tibi  
inscribere censui, quippe qui vel Francisci aui tui  
Equitis, Poetæ, Oratoris, l. C. ac Consiliarij, vel  
Camilli proauj Iureconsultissimi ex Quæstoribus  
Magistratum Mediolanensium, vel tot celebriū  
virorum, qui è gente Caccia, & vel vniuersa Ci-  
uitate Nouaria patria tua prodierunt, viuū simu-  
lacrum refers, cum in te vno omnium bonarum  
disciplinarum, humaniorum literarum, Iuris-  
prudentiæ, ac cuiusuis præclaræ artis studia, qui-  
bus ipsi singillatim pollebant, certatim cōfluant,

teq; vnicum Nouariensium in Romana Curia  
decus honoribus, dignitate, atq; splendore cumu-  
lare contendant. Nec sat tibi videbaris exhibuisse  
experimentum virtutis tuæ, ni etiam ab infu-  
lis, quas tibi designarat Maximus, Optimus ille  
Innoc. XI. tui (ausim dicere) necessarijssimus,  
raro animi demissionis, & moderationis exem-  
plo te subtraxisses. Maiora postulat, tibiq; parat  
virtus tua. Sublimiori thiara S. Zephyrinus,  
Alexander V. Innoc. IX. PP. MM. Nouariam  
eorum patriam illustrarunt. Ardicinorum  
( aui, & nepotis ) adhuc effulget purpura:  
Hos virtus euexit. Verum ne præclaras animi tui  
dotes præclariora tibi pollicentes videar commi-  
nisci, hoc vnum mihi polliceor, quod nempe  
munusculum Poeticum veluti meæ erga te ob-  
seruantia testimonium pro tua humanitate exci-  
pere, tueri non dedignaberis. Vale. Ex Oppido  
Ameno in Riparia S. Iulij Diaec. Nouariensis  
VI. Id. Iunij MDCXCII.

Nonnulla  
DE PETRO APOLLONIO COLLATINO

*Lazarus Augustinus Costa I. C.*

Ex suo Museo Nouariensi MS.

**P**etrus Apollonius Collatinus, cognomento Car-  
taneus, Præbiter, natione Italus, patria No-  
uariensis in Insubribus, Patritijs ortus paren-  
tibus vixit sub finem sæculi Christiani quintodecimi.  
*Adrianus Vander-Burchius* Batauns, qui primus Colla-  
tini Poema notis illustravit, in præfatione editionis  
Antuerpicensis anni 1586. incertum dicit, qua ætate  
floruerit. Et sane *Margarinus Bignus* Gallus to. VIII.  
Biblioth. Veter. PP. *Collectores* Magnæ Biblioth. PP.  
to. XII. & cum eis *Ricciolus* Ital. tom. III. Chronolog.  
Refor. pag. 271. sub septimo, & vel octavo locant  
sæculo. Verum recentioribus *Angeli Politiani* tem-  
poribus adscribit *Gerardus Jo. Vossius* Germanus de  
Historic. Latin. lib. III. pag. 811. & ad annum circiter  
1490. refert *Gaspar Barthius* Germanus *Adversarian.*  
lib. III. c. XXVII. Huiusmodi quæstionem *Philippus*  
*Brietius* Gallus Acutè dicta lib. V. pag. 63. exposuit,  
at indecisam reliquit. Igitur cum Poësim Fastorum,  
&

& de Urbis Hyerusalem euerfione Collatinus eodem libello ad Cardinalem Ardicinum iuniorē de la Porta conciuem suum tunc Episcopum Aleriensem nuncupasset, satis constat de tempore, cum in comperto sit, Ardicinum anno 1475. ad insulam Aleriensem euectum, & anno 1493. ad Superoseuolasse. Addas & Heroicum Carmen de singulari certamine Daudis, & Goliz ab authore dicatum Laurentio de Medicis, plura Poetica per ipsum missa ad Philippum Medicum, quos sub id temporis vixisse constat. De rebus ipsius nil certi habeo, quod referam, cum & imo traditione circumferatur, se dimidium nominis, cognomenue sub Anagrammatismo (Apollonius Collatinus) abdere studuisse. Eum vel quam maximè laudant, vel appellant, vel notant præter supra relatos.

*Florus Nouariensis in Ind. leg. si quando. V. Nouariæ plures alij.*

*Gesnerus Germanus in Biblioth.*

*Possennus Italus in Apparatu.*

*Isaacus Casaubonus Germanus in Vespel.*

*Pennabatus Nouariensis Hist. Tripart. lib. III. c. LL. n. 11.*

*Scaligerus Italus Poetices lib. VI. pag. 307.*

*Hypopolitus Maraccius Ital. Biblioth. Mar. p. II. pag. 224.*

*Coccius Ital. Thesaur. Catholic. lib. III.*

*Ludovicus Iacob à S. Carolo Burgundus Bibl. Pontif. pag.*

179. 416.

10. *Philippus de Gaudiano* (quem de *Novaria* vocitant)  
*Novariensis Chronic. Canon. Ord.* pag. 11. 15. 19.  
 25. ac alibi frequentius.

*Leander Albertus* Ital.

*Aloysius Morerus* Gallus Dict. Hist. 10. I. pag. 294.

*Jacobus Hoffmannus* Germanus Lexic. 10. II. lit. P.

10. *Mabylon* Gallus Itinerar. Italic. pag. 194.

*Hieronymus Meazza* Italus & Poëti, & sacris literis  
 æquè insignis, ac demum

*Antonius Malabecus* Italus (vir clarissimus) in priva-  
 tis Epistolis familiaribus ad *Andream Pusterlam*  
*Mediolanensem*.

Scripsit præterea *Collatinus*, ediditq;

*Fastorum Maiorum Libellum*. *Mediolani* an. 1481. penes  
*Oldericum Scinzenciller*. Extrat in *Biblioth. Blan-*  
*chiniana Mediolani*.

*Poëma de Urbis Hierusalem Euerfione*. *Mediolani* 1481.  
 recusum *Parisijs* 1540. opera Io. Gagnæi: iterum ibi-  
 dem annis 1579. & 1589. in 10. 8. *Bignei*: *Antuerpiæ*  
 1580. cum notis *Vander-Burchij*.

*Epigrammata* plura in *Chronic. Io. Philippi de Gau-*  
*diano*.

*Elegias, ac alia Poëtica* ad *Philippum Medicum Anti-*  
*stitem Pisarum*.



*Præstantissimo Viro  
D. Laurentio de Medicis Cui Florentino  
Petrus Apollonius Nouariensis S.*

**S**E conferre tibi, seseque ostendere gaudet  
Quisquis, Cosmide, grandia dona facit.  
Nec summis opibus, nisi summus ut ipse probetur,  
Largiri tumidas sollicitatur opes.  
Non idem fastus nobis, nec tanta facultas;  
Parua damus nulla conditione pares.  
Nam quid diuitias Pactolo accrescere nitar?  
Aut aurum ripis accumulare Tagi?  
Quidue mari Rubro gemmas immergere cusem,  
Aut Arabum filuis cinnama pura dare?  
Tota tibi pleno fudit se copia cornu,  
Famaque fortunis est minor ipsa tuis.  
Si tamen & foelix eadem mihi Diua fuisset,  
Acciperes larga dona superba manu.  
Sed præter carmen vati nil præbet Apollo,  
Dulceque Pyerides nil nisi carmen habent.  
Id solum tenues possunt donare Poetæ,  
Hanc messem noster reddere nouit ager.  
Ne tamen omnino videar te ignotus adires  
Est nonnulla mihi gratia iuncta tuis.  
Accepitque meas Pisarum gloria Præful,  
Atque suas mihi reddidit ore notas.  
Nuper huic Elogos, Heroa & carmina misi  
Grata nimis, lector si modo vera tulit.  
Quare age, florentis patriæ Clarissime Ciuis,  
Ne tanto spernas tu quoque grata viro.



Exiguus liber est, magni sed fata Goliz  
 Pars habet, & tenui grandia voce sonat.  
 Altera pars miscet elegis epigrammata paucis,  
 Flebilis in medio est scripta querela Iesu.  
 Tempus erit, fortasse tuas quo dicere laudes  
 Ordinar, & patris, vel semoris aui,  
 Quorum fama viget nullos delenda per annos,  
 Quamuis sub turulis ossa sepulta latent.  
 Interea paruum non dedignare libellum,  
 Atque hunc, si merui, quæso aliquando lege.

*Petri Apollonij Nouariensis  
 De Duello Davidis, et Goliz  
 Heroicum Carmen incipit feliciter.*

**P**Rælia fatidici Davidis, sæuique Goliz;  
 Musa refer, nec prima time vestigia campi  
 Insoliti. Cœpisse opus est: spectaberis olim  
 Grandior, ante diem Paræ nisi stamina rumpant,  
 Neu desit cœptis studiis dictator Apollo.  
 Plurima iam iristi prostrarat corpora letho,  
 Ferque dies in cæde magis furibunda Goliz  
 Dextera fortis erat, populo nec Saulis vlla  
 Profuerant vires: unum pepulisse furorem  
 Non poterat numerosa manus, solusque paucos  
 Mille sub ignavis cogebar degere tectis.  
 Ergo omnes cœsisse videns, timidosque latere,  
 Elatus campo feruit, verbisque superbis  
 Incutepat attonitos hostes, ac talia iactat.  
 Non pudeat, o miseri, vallo, claustrisque teneri.

Vnius

Vnius terrente manu? quid statis inertes?  
 Aut vires nobis, tutosq; relinquitte fines,  
 Aut valida pugnare manu: concedat Hebræus  
 Arua Philistæis, quæ non valet ense tueti.  
 Prodeat huc aliquis paria in certamina mecum:  
 Quid vero expecto solum? quin, exeat omnis  
 In me conuersis telis, exercitus: vnum  
 Sufficiam cunctis magnorum stirpe Gigantum  
 Progenitus, cælo quondam qui pellere Diuos  
 Aggressi fecere Iouis discrimina regno,  
 Cum super ingentem statuissent Pelion Ossa.  
 Talia dicerem trepidæ cum Rege phalanges  
 Spectabant, nec ferre manum, nec reddere voces  
 Cuiquam animus: quippe illa omnes terrebat imago  
 Grandior, & senis cubitis erecta sub auras,  
 Et quales artus posses agnosce Gigantis.  
 Haud aliter clausæ stabulis clamore, luminum  
 Exanimantur oues, rapido quos ore frementes  
 Moliri quacunq; aditus è parte tuentur:  
 Hæ trepidæ inter se coeunt, gemituq; queruntur.  
 Dum sic ille furens tumido sermone minatur,  
 Germanis alimenta suis in castra ferentem  
 Aduentasse fuit Dauidem, quem confusus annis  
 Iusserat, armento, genitor properare, relicto  
 Iesseus exigux Bethlem non incola vilis.  
 Huic septem naros festæ solatia vitæ  
 Ediderat coniux. Martis tolerare labores  
 Primi tres, at cura gregis successerat illi:  
 Namq; pecus fuerat priscorum maximus olim  
 Census, & hinc habuit funesta pecunia nomen.  
 Hic ubi correptas tanta formidine mentes

Aspexit, quæ causa, rogat, cupidusq; referri  
 Flagitat, atq; aliquam spondet fortasse salutem.  
 Audebat vix quisq; loqui: tum deniq; narrant,  
 Ostenduntq; virum: puduit tam vilia turbæ  
 Pectora magnanimum puerum spectasse, simulq;  
 Indignatus ait: Populi proh dedecus ingens  
 Israel! hæc virtus maiorum? hæc gloria belli?  
 En vnum fugitis multi, vos territat vnus  
 Imbelles ceu miluus aues: nec rendere contra  
 Audet, & hoc aliquis morti demittere monstrum,  
 Seruaturq; mihi? per ego hunc metuenda Tonantis  
 Numina, si rabidos potui superare leones,  
 Eripiam mundo: me me petit ultio tanta.  
 Dixerat, & cunctis nimium miranda loquutus  
 Visus erat: fratres etiam reprehendere dicimus  
 Seu faceret linor, siue illi fata timebant,  
 Degeneres quos ipse vocat, promissaq; firmat.  
 Scinditur incertum vulgus: pars maxima laudans  
 Incendit verbis, capiendaq; præmia Regis  
 Commemorat: pars virtutem non credere tantam.  
 Saulis interea volucris deferretur ad aures  
 Fama, nouum venisse virum, qui fata Golix  
 Spondeat, & iunctis decernere comminus armis.  
 Continuo iubet acciri (nam forte corona  
 Vallatus procerum, hoc mæstus Rex ipse petebat)  
 Quod iussus postquam intrauisset, poplite flexo  
 Concidit, & dicta simul, acceptaq; salute,  
 Rex, ait, ecce tuus, tanto si dignor honore,  
 Ille ego sum seruus, per quem ruitura nefandi  
 Hostis, & hac dextra est habitura superbia finem.  
 Risit in aspectu (neq; enim cognouerat illum),

Huic

Huic licet infernas quondam molliuerat iras  
 Concordi resonante lyra) sic deinde profatur.  
 Feruidus ah nimium circa præcordia sanguis  
 Exultat tibi, dure puer, maioraq; suadet.  
 Viribus exsuperat corpus fiducia mentis.  
 Te ne satis magno credis superesse Goliæ,  
 Quem si nunc dextra teneat, iaculabitur altis  
 Montibus, & miserum corpus per frustra resoluet?  
 At nondum valida quantus consurgat in hasta  
 Expertus, quo se pugnando turbine verfer.  
 Deniq; maturis ætas tua debilis annis,  
 Tu puer, ille vir est. Postquam sic pauca loutus,  
 Reddidit ista David. Nihil, ò Rex optime, nostram  
 Ætatem culpasse nocet: plus corpore grandi  
 Sæpius ingenium valuit, stratusq; pusillo  
 Dente ferox iacuit serpens resupinus in antro.  
 Ille ego namq; vrsos (puer vsq; ) armenta petentes  
 Insectans prædamq; tuli, victosq; peremi:  
 Quin etiam tauros ausum tentare leonem  
 Insilui, ruptis violento faucibus vngue,  
 Corporibus donec anima indignata recessit,  
 Et seruata mihi monstrari tergora possent.  
 Qui me igitur retrico potuit rapuisse leoni,  
 Hic quoq; fautor erit: præsens Deus ipse fauebit,  
 Ipse reget dextram, cassos nec proferet ictus.  
 Quid ferus ille diù diuina lege fruentem  
 Inconcisus ager populum? Genitrice pudenda  
 Natus, & ignarus nomen dixisse parentis?  
 Stat generi nostro tantum releuare pudorem.  
 Talia dicentem iam dudum Regia proles  
 Spectabat Ionathas, patris reuerenter in ora

Abstrahit, optatam dextræ coniungere dextram  
Irruit incensus tantæ virtutis amore.

At Regi postquam tandem constantia visa est,  
Obstupuit, Davidemq; manu complexus amica,  
Si tibi tantus, ait, vigor ardet, spesq; triumphi,  
I felix, ducenſe Deo, rem profer in actum.

Quod si victor eris, per te si nostra salutem  
Castra ferent, humili nunquam de sorte querere.

Est mihi præterea præstanti corpore nata,  
Quam tibi connubio iungam, stabilemque dicabo;

Hæc ait, & famulis lætus iubet arma parari.

Haud segnes properant illi. Densissima fertur,  
Quæ corpus, lorica, tegat, quam tegmina circum  
Aptantur: pulchrum munit caput aurea cassis,  
Deinc lateri insignis capulo circumdatur ensis.

Vt satis ex omni contactus parte refulsit,

Insuetum perterritat onus: lædebat ineptos

Sarcina tanta humeros, nec præbent brachia vires,

Pes quoque lentus erat. Vos hæc molimina, quæso,

Demite, nec gressus agiles offendite, clamat.

Sit modo funda levis dextra, baculusque sinistra:

His ego tutus eam: dicens simul exiit omnem

Ornatum, puroque legens in gurgite quinq;

Ipse pera condit lapides, tunicasque recingit.

Mittitur interea foris qui bella Golix

Nunciet: ille suis ut adhuc confederat armis,

Surgit, & immanem poscit sibi feruidus hastam,

Præcipitemque rapit verius tentoria cursum.

Ceu leo, quem cupidum prædæ spes vana fefellit,

Quum redit ad montes, si forte auditus in agris

Mugitus tauri, rapido velocius Euro

Currit,

Currit, & ancipiti scrutatur lumine vocem,  
 Aspecto nondum complentur sanguine fauces.  
 Quo morituro ruis? lux ista nouissima vitæ  
 Debetur, furibunde, tux, nudoq; recisa  
 Horrendus ceruice solo sine honore iacebis.  
 Quodque magis pudeat, puer hæc certamina de te  
 Læta dabit campo nunc primum visus in isto.  
 Nec virtute minus fidens, comitante suorum  
 Agmine, Iessides, portas exire patentes  
 Festinabar ouans, incerto Rege relicto.  
 Cui comes ante omnes Ionathas fidissimus ibat,  
 Amplexusq; petens lacrymarum flumine multo  
 Talia verba dabat: Faucant ò Numina summi  
 Sic mihi sancta Iouis, te te vt prædonis iniqui  
 Cæde resultantem patris remeare penates  
 Aspiciam: cerrè nunquam tua dulcis imago  
 Pectore ab hoc cedit, & quantum vita manebit,  
 Auxilijs, studijsq; opibusq; iuuabere nostris,  
 Nulla dies istum veniens delebit amorem.  
 Ille cui: nec te, iuuenum mitissime, quicquam  
 Solliciter timor: accipies, quæ vota petisti.  
 O semper venerande mihi, quo munere talem  
 Promerui? quodue officium, quæ gratia fecit?  
 His in se pariter studio pietatis amicæ,  
 Aggere discedunt, notumq; feruntur in æquor.  
 Vt procul aspexit venientem turbidus hostem,  
 Et baculum læua, dextera fundamq; Goliath,  
 Substitit indignans, permixtaq; incipit ira:  
 An mea diuersum traxerunt membra figuram,  
 Insectorq; canis lasciu fuste puelli?  
 Aut in auem vertor casurus ab arbore funda?

Ludimur à populo, nondumq; timeamur inermes!  
 Ah dabit is iustas, & tu puer improbe, pœnas  
 Aliisq; damnande feris, morsuq; luporum.  
 Dixit: at contra paucis Iesseus Heros  
 Ne sc̃ui dictis: istum tibi mortis honorem  
 Seruamus: nec parma teget, nec fortior hasta,  
 Nec galeæ robur; noster Deus omnia vincit.  
 Dixit, & aduersum gradienti prouidus altæ  
 Incussit fronti lapidem; paulumq; recessit  
 Ille istu primo minimùm turbatus, & ira  
 Plus satis exardens contra truculentior ibat  
 Multa minans, iam iamq; manu retinere putabat.  
 Proinus eductum funda stridente secundum  
 Ter circumuoluens summa vibrauit ab aure  
 Iessides: iterum media qui fronte receptus  
 Discussit galeam, vulnusq; inflixit apertum.  
 Tunc oculis densæ subito incubuere tenebræ,  
 Incertusq; viæ, quo quo tamen ira ferebat,  
 Tendit in hostilem faciem, ceu cuspide ferri  
 Expectatus aper, mortemq; minatur acerbam.  
 Tollitur ad cælum clamor, Dauidemq; phalanges  
 Hortantur, firmanq; animum, sonat arduus aer  
 Vocibus innumeris: At non exterritus heros  
 Paulatim se se recipit, tum robore toto  
 Innixus lateri partem specularus eandem  
 Impetit, & duplex vulnus confudit in vno.  
 Labitur infelix rupta ceruice Golias  
 Sanguineam quatiens moribundo corpore terram.  
 Clamorem ingeminant turbæ, cinguntq; iacentem  
 Circuitu longo, nec quisquam proximus ire  
 Audei adhuc, nequeunt expleti corda tuendo.

Ille locum plagæ triplicis miratur, & ille  
 Terriles oculos; aliusq; immania membra  
 Ostendit, grandesq; manus; hastarq; tremendam.  
 Qualiter ortifimū despiciat rustica pubes  
 Circumfusa lupum pecori commune ferentem  
 Exitium, agricolisq; simul. Tacer ipse cruentos  
 Ostendens cælo dentes, setaq; zigenti  
 Vnguibus, & levis etiam metuendus inanis.  
 Cui David, insistent læuo pede talia fatur.  
 Occidis hic demum, proles generosa Gigantum  
 I nunc, alitibus nostrum largire cadâver,  
 Si datur, en matrem toto complecteris ore, vultuq;  
 I, Stygias etiam genitorem quære per undas  
 Hæc ubi dicta dedit, proprio mucrone recidit  
 Monstruosum caput, & corpus sine nomine linquens.  
 In reliquum vulgus tepido conuertitur ense,  
 Hortaturq; suos. Partem fuga tuta redemit,  
 Pars iacuit, moriensq; Duci comes iuit ad umbras.  
 Ast illum magno redeuntem in mania plausu  
 Rex generum firmat pactæ sponsalia nati  
 Lætus agens, dignosq; vito celebrauit honores.

### *Iesu Crucifixi ad Iudeos querela.*

Immemor ò soboles, operumq; ingrata bonorum,  
 Quæ mea culpa tuam potuit peruertere mentem?  
 Dic mihi, quid feci? merui quo crimine tantos  
 In cruce suspensus membris perferre dolores?  
 Non ne ego sum, qui te rabida Pharaonis ab ira  
 Exemi? cuius paruo si tempore terras  
 Incoleres, iam non superesset forma virilis,  
 Num semper fulua te præcedente columna,



Per deserta tuli ? numero quum nullus in illo  
 Sentiret minimum tanta de plebe malorum.  
 Tu me, crudelis, manibus post terga reuinctis,  
 Damnandum falsi traxisti in recta Cayphæ.  
 En meritis condigna meis, en debita merces!  
 Ipse ego, dum fugeres hostem post terga sequentem,  
 Aequora diuiso feci tibi peruia Ponto;  
 Cum duce submersi, fuerant quicumque sequuti:  
 Quadraginta super demissi manna per annos,  
 Deserto faciente famem; quemque arida fauces  
 Immodico sub Sole tibi suis vreret alius  
 Monibus; & rigida produxi caute liquorem.  
 Tu mihi, tu, mitram commisto felle dedisti.  
 En meritis condigna meis, en debita merces!  
 Quid non tentatum, gens & vesana, reliqui?  
 Quid posui, quod non feci? nam cæsa flagellis  
 Aegyptus per me doluit: tu libera terras  
 Vbere fecundas, & dulci lacte fluentes.  
 Intrastis quid enim tali pro munere reddis?  
 Hostiles plagas, hostilia vulnèra præter?  
 Te propter Reges percussu bella mouentes  
 Dura Chananeis imponens frena Tyrannis:  
 Hinc tua de cunctis populis victricia signa  
 Secura tandem Regni statione recepi.  
 Nec tantum propriæ gemi mandata dedisti,  
 Quin alias vires, atque aliter iura subegi.  
 Per mare, per terras latissima regna parauit.  
 Tu mihi ceruicem calamo, iu senibus aspris,  
 Tu colaphis inuicias, signasti que ora saluis,  
 Tu me ad supplicium dura crucis acta furore  
 Duxisti, cæca caput amplectente corona:  
 Tu manibus, pedibusque meis inhumanis abastros

Fixisti clauos, ictu cogente, retortos:  
 Tu confuta meæ posuisti tegmina carnis  
 In sortem rapienda tribus. Sic æqua rependis?  
 En meritis condigna meis, ea debita merces!  
 An satis hæc? mucrone latus, scelerata, peristi?  
 Haufistiq; meum: Hoc nati mernere redempti,  
 Quos tibi nascentes iugulabar dextra Canopi?  
 Nonne locis potui vastis te perdere cœcis?  
 Iniusto toties commonus murmure lingua?  
 Quum toties bello, toties percereris & armis,  
 Quum aurea struxisti tauri simulacra nefandis,  
 Num potui media gladio duellere terra  
 Fundius, ac plebi præponere Moysen alij?  
 Num simul ac certas fundasti robore terras,  
 Regibus innumeris potui dimittere captam?  
 Paucorum venere preces: seruata fuisti,  
 Impia gens: noscas, qui te seruauit in undis,  
 Et saltem duros animi nunc flecte rigores,  
 Post ausum, factumq; nefas, depone furorcm,  
 Et dominum cognosce tuum, tandemq; verere.  
 Non odi facinus: fuerat sic quando necesse,  
 Marmoreis quamquam minus es commota columnis,  
 Hactenus en ad me tamen huc secata venisti,  
 In cruce porrectus motor en iterum, en ego fixus  
 Tendo manus, Iudeæ venis: quicunq; recepi,  
 Dulcia sunt, ad me dum tu contra reueras.

*Elegiacum carmen ad Calliope, et Musas.*

In varias animum verti quum dentq; partes,  
 Tu portus curis, Calliopeæ, meis  
 Atq; aliz fontis seruantes stagna fiores,  
 Quem de Parnasi vertice fudit equus.

Ad vos pulsus agor disiecta naufragus alno,  
 In vestros vultus, & mea damna queror.  
 Ah quoties vitæ dum me, cæliq; pigeret,  
 Et cuperem Stygij tegna subire Iouis,  
 Tristem lenistis mentis dulcore furorem,  
 Qui nianum concors omnium ab ore fluit.  
 Quin & seclusum thalamo, quem saepe petistis,  
 Dignatæ nostro ponere membra thoro.  
 Per vos hinc varij didici modulamina cantus,  
 Nunc humili plectra, nunc grauiore sonans.  
 Ergo si aduersos fortunæ vinco labores,  
 Vestrae opis hoc; vobis gratia semper erit.

*Laus ruris, et agricultura.*

Fœlix, qui patrio vitam traducit in agro,  
 Et sua qui proprijs excolit arua bobus.  
 Qui dura urbis dimotus fastidia vitat,  
 Nec domini supplex limina dira colit,  
 Publica quem tangunt nec vlla negotia, nec res  
 Vnquam sollicito vix sine agenda metu.  
 Ergo hic aut lentas disponit in ordine vites,  
 Aut notat errantis pascua læta gregis,  
 Aut steriles ramos curuata falce recidit,  
 Aut plus felices inserit, atq; locat.  
 Infirmas nunc tondet oves, nunc amne salubris  
 Mersat, & infusa corpora purgat aqua.  
 Expius antiqua iacuisse sub arbore gaudet,  
 Quam circum gramen, mollis & herba virent.  
 Proximus interea riuus dilabitur vnda,  
 Hic cubat ad murmur prætereuntis aquæ.  
 Exultant querulæ viridi de fronde volucres,  
 Quæq; suos filijs fundere docta modos.

Semper

Semper adeſt, quid agat. Si feruida venerit eſtas,  
 Falce cadit longis Solibus uſta ſeges:  
 Area multandis ſpatioſa paratur ariſtis;  
 Truduntur latebris grana repulſa ſuis:  
 Vere nouo vineta crepat: ſuſpenditur vlmis,  
 Conatuq; ſuo vitis in alta venit.  
 Pomifer Autumnus reduces parat inde labores:  
 Aut ſerit, aut ramis dulcia mala legit,  
 Quid pyra diuerſis numerem naſcentia formis?  
 Poma vel in ſpecies tam variata ſuas:  
 Tunc rudibus pedibus grauidos calcare racemos  
 Euenit, & ſtriſtis condere vina cadis.  
 Caſtaneæ molles dura ſub crãte latentes  
 Velluntur cauto pollice noſte cibis;  
 Quum iam bruma rigens horrendo turbida vulſu  
 Longa magis ſolito tempora noctis agit:  
 Sed neq; tunc etiam ceſſet, ſemperue, quieſcer  
 Aut ſemper pigros dormiet ante focos,  
 In niuib; magnis lepore; agitare fugaces  
 Gaudet, anhelantem poſtque citare canem;  
 Vel laqueos aubus tendit, vel retia cerat;  
 Sæpe lupos pedicis, ſæpe retentat apros,  
 Tu quoque, cauta licet, nimiumq; dolosa feraci  
 Furta tamen, vulpis, caſſe reſenta iuis;  
 Quum verò leporem portat, captamq; volucrem;  
 Et repetit notas ſole ruente caſas,  
 Exultant natiq; iude, in limbo plauduntq; iuui  
 Hic auris leporis, ille retractat aulem.  
 Ipſe ſeder, rudib; ſimul blanditur alumnis  
 Incerto referens verbula balba ſonore  
 Teſtilis interea flammis alimenta miniſtrans  
 Decoquit allatos igne furente cibos.

Quid

82  
Quid referam dentum, quanta dulcedine cenant?  
Quis non hic curas deposuisse queat?  
O fortunatos igitur (sua si bona norint)  
Agricolas, vero dixerat ore Maro.

### *Conditionis humana querela.*

Omnia qui cerno voluit succumbere fato  
Corpora, nec cuiquam plusve, minusve fauet,  
Idem tam variis voluit cur mittere pestes  
Non euitare morris in officium?  
Cur mille, inuitas animas rapere dolores,  
Et morimur sauis terqi quaterq; malis?  
Scilicet ex illo vani dixere Poeta  
Morborum pestes incaluisse graues,  
Cum gentis Xapiti caelesti lumine raptas  
In limum sacras transtulit inde faces.  
At nos ob primos patimur mala varia parentis  
Et peccasse duos publica pana fuit.  
Ah nimium simplex, ne dicam, perfida mater,  
Vel tu, quem decuit plus sapuisse, pater.  
Et tu tantorum serpens inimice bonorum  
Vt merito, fraudis fero quoq; damna tuæ,  
Qui prius æthereas ibas erectus ad auras  
Nunc duram longo pectore verris humum.

### *Danae a Ioue decepta.*

Inclusam turri quum te, pulcherrima Danae,  
Acrius tutam credideri esse pater,  
Risit, & ad Venerem petulanti lumine versus  
Iuppiter, hæc nobis eripietur?  
Hanc ego non aliquo facundam germine reddam,  
Quis poterit murus? quis prohibere vigil?

Dixerat, & celsæ, residens in culmine turris  
 Diuina micuit aureus arce globus.  
 Quem super incumbens radio famularus Apollo  
 Paulatim caput soluere more iuuis.  
 Protinus ad pluuiam virgo gauisântem  
 Supposuit vestem, supposuitque manum,  
 Atq; vt deciderant, guttas redigebat in vnum,  
 Cogebat semet Iuppiter ipse volens.  
 Vt sterit in gremio, quantum defluserat, aurum:  
 Hic alium, dixit, nunc decet esse Iouem.  
 Nec mora: candenti circumdat brachia collo.  
 Aspecto primùm palluit illa Deo.  
 Mox vbi sideres rectorem agnouit Olympi,  
 Cætera non vllò murmure facta tulit.

### *Curius Romanus.*

Munera Samnitem Curius fallacia ridens,  
 Exiguam qualis federat ante focum,  
 Et manibus vilem stringens, fortasse cæciâ,  
 Seu pulres illi, seu magis effrenibus,  
 Tunc ait: ad Dominos, legati, verba referre,  
 Plus illos curæ, quam sua dona mihi,  
 Et nos diuitibus, quam censu, malle potiri.  
 O rigidos mores, & celebranda fides!

### *Epiraphium Scipionis.*

Incola desertæ non æquo tute paludis  
 Quum prope fatale, sensu adente minas,  
 Noluit infernas tacitus descendere ad umbras  
 Scipio, sed tumulto pauca legenda dedit.  
 Perfidia, virtutisq; ingrata dæmonia nostræ  
 Ossa quidem ne quis condere possit, habet.

*Coriolanus Romanus.*

Exorare factor quem non potuere thiaræ  
 Instantem muris, Roma superba, tuis,  
 Vna semel potuit felix convincere niter,  
 Et natum utridis exonerare iunioris  
 Vincor, ait, lacrymas nec possunt ferre parentis,  
 Largiar huic viro mania dira, licet.  
 Protinus ad Volstos equitem, bellumq; reduxit.  
 Hæc nocuit pteris, Coriolane, tibi.

*Plancius Romanus.*

Plancius extremæ dilectæ conjugis horæ  
 Impatiens voluit proxima fata sequi.  
 Ergo dolor primùm gladio per pectus adacto,  
 Non potuit dextra solvere vota truci.  
 Namq; recens vulnus famularis turba ligavit,  
 Inuitusq; redit in sua membra cruor.  
 Nil ramen effecit sociorum cura fidelis  
 Quis cupido mortem posse negare putet?  
 Ve subito notæ non convenere, cruentas  
 Vulneribus clausis intulit ille manus.

*Annibal Poenus.*

Pulsus ut è Latio vires ferus Annibal omnes  
 Perdidit, in luxum Roma soluta ruit,  
 Anxia quæ melius præsentem sub hoste fuisset,  
 In se verterunt omnia tuta manu.

*Cæsar Brutus.*

Verbs habuit Bruto, melius, nil Cæsare petius;  
 Hic libertatem condidit, ille ruit.



### *Pompei tumulus.*

Niliacas vndas cymba quicumq; pererras,  
 Ad tumulum Magni, nauita, siste ratem.  
 Et dominum terræ quondam venerare potentem,  
 Nec pigeat, quamquam mobilis aura vocer.  
 Hic iacet in Pharia vix agnoscendus arena,  
 Sed tamen est saxo litera scripta breuis.  
 Hoc ne tuo dignum Magno, fortuna, sepulcrum?  
 Sic Larij fuerat excipiendus honor?  
 Obruitur bibula puluis malè reclus arena,  
 Seruat honoratum proditor arte caput.  
 Id quoq; cum trunco meliùs fluxisset in ignes,  
 Victori fieret quam noua pompa Duci.

### *De Antonio Medico imperito.*

Hausit opes postquam patrias Antonius amens,  
 Et reliquum vidit nil superesse sibi.  
 Nescio qua subita Medicum se protulit arte:  
 Perdidit vt censum, perdere vult homines.

### *Adeundem.*

Miratur vulgus, quod te fatearis Aliptem,  
 Et facis exiguo tempore qui Medicum.  
 Quid mirum? factos, sic, est quoq; fama, poetas,  
 Largitur dotes vnus vtrasq; Deus.  
 Ennius ante rudis dum fertur monte bicolli,  
 Excitus assumpsit bella canenda sibi;  
 Euomuitq; haustum toto de pectore vatem,  
 (Cui nullum vidit Græcia docta patrem)  
 Qui dedit agrorum duris præcepta colonis,  
 Dum sequitur tardos tardior ipse greges,

D

Incidiit



26  
Incidit in sacras Heliconis numina Musas,  
Quas inter medius pulcher Apollo fuit,  
Demissoq; genu, variis poscebat honorem.  
Nec mora: quod petijt, turba verenda dedit.  
Quis scit, an in somnis veniens tibi Delius artem  
Fuderit, Antoni? quis neget, hocue probe?

### *Ad inuidum.*

Obijcis obscurum semper mihi, libide, nomen,  
Inter nos quoties rixa pusilla venit.  
Et vicisse putas, cum me de plebe, reurges,  
Esse tuum prisca nobilitate genus.  
Hanc facit inuidiam tibi quæ domus vna propinqua  
Inuito cui te fors bona tota fauet.  
Rumperis, & dum vis tristem diffundere bylüm,  
Nil aliud nos quam rusticaturba sumus.  
Stemmata nil faciunt: sola est, atq; varica virtus  
Nobilitas: claros efficit illa viros.

### *Ad Prandum.*

Si quis, Prande, manet sensus post funera nobis,  
Et penetrat stygias famia relata domos;  
Coniugis ipse tuæ videor sentire querelas,  
Mistaq; cum lacrimis talia verba pijs.  
Me miseram! nondum tenues fluxere capilli,  
Aut cutis est capitis arida facta mei,  
Ducitur in thalamos nostri noua nupta mariti:  
O vbi nunc pudor es! o vbi vera fides!

### *Ad Iouem petitió.*

Magne pater Diuum, si non iniusta rogaris;  
Annue poscenti, vota;q; parua dabo.

Non

Non ego diuitibus cupio comes ire superbis,

Aut cinctum multo ferre clienae latus:

Non auro, argentoue mihi placet aspera vestis,

Vel quæ de Tyrio murice tincta venit.

Atria non opo Graijs effulta columnis,

Extergant, famulas, quæ mihi sæpe manus.

Urbanumue coquum, qui pulmentaria doctè

Componat, varias qui bene cedat anes.

Iatex diuicias, paupertatemque malignam

Posco locum: viræ debita posco meæ.

### *De vasis fictilibus.*

Cum possem lanceæ argenti ponere mensis,

Fictilibus cenæ eur sine laude, rogor.

Cenauit Curtius, cenauit Apicius olim,

Cenauit primus Romulus ipse cassis?

His Numa placuit caelestia numina vasis,

Men pudeant magnos quæ detuere Deos?

Fregerit ut seruus, credas, minus illa dolebo,

Has quam si fugiens improbus abstulerit.

### *De pueris in utero pignantibus.*

Anxia sollicitæ quatiuntur viscera matris,

Bellaque conclusus miscet viæque puer.

Nititur in lucem cuius maturior ætas,

Conanti magnâ viribus alter obest.

Vtque altis lentæ vites innectit vlmis,

Vtque hederæ truncos implicuisse solent,

Sic femori suus fraterno frater inhaesit,

Vagitusque pares editus ore dedit.

Obstupuit præsens, & se Lucina negauit

Cui tulerit, primam dicere posse manum.

*Illu. q. D. Marchionis M. F.*  
*Epitaph.*

Clara Ducis soboles, & clari Principis vxor  
 Elyfabeth, risus, deliciæq; breues  
 Hic iacet: ah nullo statuas discrimine Parcas  
 Hac pietas, saltem hac debuit esse pudor.  
 Tertia messis erat nondum tribus addita lustris;  
 In thalamos postquam venerat illa viri,  
 Gaudia vix poterat cari sensisse mariti,  
 Cæperat & primum tunc caluisse thorus.  
 Si non est ferro pectus tibi durius ipso,  
 Da lacrimas tumulo, qui legis ista suo.

*Spectab. q. D. Catherina Epitaph.*

Quantò frondosi graditur dum per iuga Cinthi,  
 Prominet archifero cincta Diana choro,  
 Tantò præstabat Latij Catherina maritis,  
 Pulchrior & toto de grege nulla fuit.  
 Nunc decor eximius, nunc raræ gratia formæ,  
 (Heu facinus!) tumulo clauditur ille nitôr.  
 Quid confert species? periit pulcherrima Dido,  
 Et pro qua struxit Græcia mille rates.  
 Forma abit, æternos illi feruabit honores,  
 Si qua fuit virtus, quæ numerosa fuit.

*De Iuliano Curruca.*

Omnia cum facilis credat Iulianus amicis,  
 Hoc audire, semel credere non voluit,  
 Machari vxorem: donec deprensa per ipsum,  
 Tum demum: nobis vera feruntur, ait.

Hæc

29  
Hac pœna coniux, hac est affectus adulter:  
Vratur mulier simplicitate viri.

### *Ad Paulam.*

Postquam, Paula, tibi decies centena reliquit  
Raptus de supeto frater uterq; polo,  
Quamuis terdenos ætas tua præterit annos,  
Qui sibi te poscat, alter, & alter adest.  
Tu ne inter iuvenes, an dos cetramina quæso  
Tanta facis? cuius cernere, Paula, licet.  
Cerberus inferna fratres è sede remittat,  
Per totidem stabis tempora virgo domi.

### *Turtur anis.*

Ammissio consorte, decet, me viuere tristem;  
Coniuge nec rapto gaudia habere licet!  
Ergo ego nec viridi ramo defessa quiescam,  
Solaq; per mæstas ibo, redibo vias.  
Nec sumam nitidas puro de gurgite linfas,  
Sordida sed nostram leuiet vnda sitim.  
Disce fidem, coniux, à turrure disce pudorem,  
Cuius habet cineres fictilis vna viri.

### *Rana.*

Conquor, & mergor limosa rana palude;  
Latonæ pœnas has dedit ira mihi.  
Nil sibi piscator tracto de corpore sumit  
Præterquam furas, posteriusq; femur.  
Cætera vel ripis miluo rapienda loquaci  
Defecit, aut iterum donat habere lacu.

*Cancer.*

Si caudam demas, extremas si mihi chelas,  
 Pars bona de reliquo corpore nulla meo est.  
 Excepto, nisi sint lapides in fronte cauati,  
 Quos vesica timet, laxaq; fundit aquas.

*Herba Senationum.*

Fonte licet gelido mihi sit natalis origo,  
 Quæ mouet vrinam, vis mea calda tamen.  
 Me quoq; discreuit sexu natura creatrix:  
 Sum maior folijs fœmina, mas breuior.

*Cepa.*

Cepa mihi non in graeco sermone: quod vnum  
 In me consiciant omnia membra caput.  
 Si fuerit molles verbis adicturus amicos,  
 Stet procul, aut esu temperet ille meo.

*Allia.*

Allia messorum pastus sumus: edimus auras,  
 Si quas venter habet, sua manus efficitur.

*Porrum.*

Non ego sum quouis iucundum tempore porrum,  
 Sed postquam regit cana pruina solum.  
 Mandito me crudum, vel si liber, obtege prunis,  
 Qui quereris, pressam pectoris esse viam.

*Rafani.*

Possumus è stomacho duros expellere pastus,  
 Discile, & lentè nos tamen egerimur.

### *Mala Parisiana.*

Quæ non languenti medicus decocta negabit,  
Optima de pomis parisiæ sumus.  
Si sapiet quisquam, tænici semina nobis  
Addiderit, tumidum flamine pectus habens.

### *Mala rubiginosa.*

Quamvis sit turpi cortex ferrugine tectus,  
Hoc tamen ammissu, dulcia mala sumus.

### *Mala Punica.*

Si non soluisset nostris ieiunia granis  
Persephone, stygia libera foret.

### *Mala Rusiola.*

Quem non ista queat spectantem forma mouere  
Altera pars albens, altera suæ rubens?

### *Pomus nana.*

Aspice quam multis oneretur plantula pomis,  
Et caput è summa vix bene tollat humo.

### *Mala rabida.*

Ulcera mulcemus prunæ supposita calenti;  
Asperitas succi nomen iniqua dedit.

### *Pomus rancidula.*

Quæ data Phæbeis, eadem mihi gloria, ramis:  
Deque meo semper cespiti pomæ virent.

*Mala Cidonia.*

Prima genas vestit ne bis lanugo, nec villo  
Asperior posthac tempore barba venit.

*Ficus.*

Bis ego do fructum: primum fuge: carpe secundum,  
Autumno comitem quem videt vna sibi.

*Amigdala.*

Perside Demophoon, durum pro Phylide truncum  
Excipe, dum patria serus ab vrbe redis.

*Castanea.*

Qui viuit sterili pauper montanus in agro,  
Pauperior, si me non habuisset, erat.

*Persica.*

Quae fecit nomen, solum nos Persida viat:  
Grata alijs, illic pestis acerba sumus.

*Nux.*

Flos quoties nostris ramis cumulatus inhaeret,  
Et superant factus, area diues erit.

*Facetum.*

Deucalionis redierunt temporis imbres:  
Vno mista vado stercora cuncta natant.

FINIS.

MC



